



U bva Union Buildings

Siatari 3



Muvhuso u lwa na Lufhiha

Siatari 5



Mbekanyamushumo ntswa ya u fhaṭa i sika mishumo

Siatari 8

U khwinisa muvhuso wapo

Vho Ongezwa Manyathi

Nga murahu ha miṅwaha ya 15 ya muvhuso wapo, zwitshavha zwa Afrika Tshipembe zwi khou wana tshumelo ya khwine ya zwa maḍi, tshampungane na muḍagasi.

Mvledziso ya zwa dzinnḍu yo bveledzisa zwitshavha zwi tshilaho zwine zwa vha na zwiimiswa zwi ngaho dzikhireshhe, kiḷiniki na zwiḱolo.

Muvhuso wo thutha nnḍu dza vhudzulo zwaho kana mikhukhu ya tshivhalo tshi ṭoḍaho u swika 500 ye ya imelwa nga nnḍu dza vhu-kuma dzo khwaṭhaho, wa ḍisa na tshumelo ya ndeme kha miṅwaha miṭaṅu yo fhiraho.

Ro no swikela zwinzhi tshe ra wana dimokirasi sa phindulo ya ndaela ya uri hu ḍo vha na dzinnḍu, vhutsireledzi na u ḍigeḍa, sa zwe zwa buliwa kha Thendelano Mviswa, Vho ralo Muphuresidennde vho Jacob Zuma.

Vho vha tshi khou amba kha Guvhangano Ja Miraḍo ya Lushaka (NMA) Ja Dzangano Ja Muvhuso Wapo wa Afurika Tshipembe (Salga) Je Ja farelwa Midrand zwenezwino. NMA ndi muṭangano wa vharangaphanda vha muvhuso wapo wa u sedza kha zwo swikelwaho khathihhi na u wana ṅila dza u khwaṭhisa na u khwinisa



Muphuresidennde Vho Jacob Zuma vha ri huna zwinzhi zwine zwa kha ḍi tea u itwa u itela u khwinisa matshilo a maAfrika Tshipembe.

tshumelo dza muvhuso wapo.

Thero ya khonfarete ya naiṅwaha yo vha i "U pembelela miṅwaha ya 15 ya Muvhuso Wapo wa Dimokirasi. Ri tshi khou humela murahu kha zwa ndeme u itela u ṭanganyisa na u khwaṭhisedza mveledziso na dimokirasi yapo i sedzaho kha vathu."

Muphuresidennde vho ri hu khou vha na mvelaphanda kha vhezhi ha zwitshavha sa izwi vha tshi khou wana tshumelo dza ndeme.

"U bvisiwa ha Mbalavhathu ya 2011 zwo

khwaṭhisedza maga mahulwane o dzihwaho kha u nea tshumelo dza ndeme. Maitele haya a u gonya a khou khwaṭhisedzwa nga muvhigo wo fhiraho wa muvhalelano wa mimasipala u si wa zwa masheleni we wa bviswa nga dzi 2 Khubvumedzi 2014," vho ralo.

U ya nga ha muvhigo, tshumelo dze dza ṅetshedzwa nga mimasipala dzo fhungudza vhusai.

Muvhigo u sumbedza uri miṭa ya 5.3 wa miḷioni i khou wana tshumelo dza ndeme

nga fhedzi na vha 11.8 wa miḷioni vhane vha wana tshumelo dza ndeme dza maḍi, ngeno vha 2.5 wa miḷioni vha tshi khou vhuvelwa nga thikhedzo ya vha shayaho. Miṭa i shayaho ndi iyo ine ya tea u fhiwa zwiniwe murahu kana u fhungudzeliwa mbadelo dza tshumelo.

Miṭa ya vharengi vha miḷioni dza fumi vha khou wana tshumelo dza soledzhi na tshampungane u bva kha mimasipala Afurika Tshipembe, na uri 31.1% ya miṭa iyi ya vharengi vha a kona u swikela zwa ndeme zwa soledzhi na tshampungane nga fhedzi.

"Naho matshilo a vha dzimiḷioni o shanduka lu pfadzaho, hu na vhanzhi vhane vha kha ḍi vha vho lindela, vhane vha tama u vhona matshilo avho a tshi khwinisea.

Vha ṭoḍa maḍi, muḍagasi, nnḍu, bada, na zwiḱolo zwavhuḍi tsini na mahaya avho," vho ralo Muphuresidennde Vho Zuma.

TSHITORI TSHAVHUḌI TSHA AFRIKA TSHIPEMBE

Muphuresidennde vho vhudza vhurumelwa uri zwivhuya zwinzhi zwo itea Afurika Tshipembe kha Miṅwaha ya 20 ya Mbofholowo yo fhiraho na uri shango Ji na tshitori tshavhuḍi tsha u anetshela.

"Hetshi ndi tshitori tsha u vha na ndavha, muvhuso u shumaho we wa shuma nga vhuṭali na u ḍiṅetshedzela nga tshomedzo dzenedzo ṭhukhuṭhukhu u itela u ḍisa tshanduko dzi vhonelelo nahone mbuya matshiloni a vathu.

"Hetshi ndi tshitori tsha mushumo wavhuḍi na senthara dza vhuḱoni dze dza bvelela u ya nga vphuphara kha shango Jashu, kha mavunḱu

Tsho iswa phanda kha siatari 2

U khwaṭhisa ndeme ya pfunzo Afrika Tshipembe

Vho Allison Cooper

Muhasho wa vhuḱati wa Pfunzo ya Mutheo u khou shumisa u itela u khwinisa ndeme ya pfunzo kha shango loṭhe, nga maanda zwi tshi ḍa kha mbalo, saintsi na thekhinoḱodzhi.

Kha muṭangano wa vharuru wa Ṭafulani we wa farwa zwenezwino wa Mbalo, Saintsi na Thekhinoḱodzhi (MST) Minisiṭa wa Pfunzo ya Mutheo Vho Angie Motshekga vho ri naho zwinzhi zwi kha ḍi tea u itwa u itela u khwinisa u shela

mulenzhe ha vhana na u bvelela kha MST, a huna u timatima uri zwiḱulwane zwo no itwi.

Muhasho wo no thoma Khethekanyo ya MST ine i khou shuma yo fhelela nahone nga u ḍiimisela. Ndi yone ine ya khou ṭuṭuwedza pulane ya khwiniso ya MST ine zwazwino i kati na u vusuludzwa.

"Pulane dzi kati dza u fhelisa magavhelo ane a itwa ho sedzwa nyimele a zwiḱolo zwa Dinaledi na zwa thekhiniki uri hu shumiswe sisiṭeme ntswa yo ṭanganelaho ya gavhelo Jihulwane – Gavhelo Jine Ja vha Jo Sedza Nyimele Ja MST- na nyambedzano dzi khou farwaho na Vhufaragwama ha Lushaka dzo no vha kule," vho ralo.

Dinaledi ndi vharangeli ha DBE ho sedz-esaho kha mbalo na saintsi.

U ḍadzisa kha izwo, Muhasho wa Pfunzo ya Mutheo yo laela Lebo ya MST ya Mvelele Khulwane nga Tshihaḱu uri i bveledze siṭirathedzhi tsha tshifhinga tshilapfu u itela u khwinisa ṅivho ya vhadededzi vha thero

hedzi.

"Lebo ya MST i ḍo bveledza ṅila dza u ṭuṭuwedza u shelesa mulenzhe ha vhaḱu na uri vha ḍo dzudzanya pulane ya sekithara ine ya khou ṭoḍea u itela mavhekanyele o dzudzanyeaho na nyengedzo ya tshivhalo tsha u phasa," vho ralo Minisiṭa Vho Motshekga.

U KONA U LANGA KHAEDU

Minisiṭa na Mufarisa Minisiṭa Vho Enver Surty vho amba ngaha khaedu dzi na tshivhalo dzi tshimbilelanaho na MST nga tshifhinga tsha musi hu na Muṭangano wa The New Age zwenezwino. Hezwi zwo katela u ṅetshedzwa ha tshomedzo, vhuḱoni ha vhadededzi, vhuṭoli na thikhedzo.

Tshigwada tsho dovha tsha wana uri mavunḱu ha na pulane dzo fhelelaho dzo dzudzaniwaho u itela thikhedzo ya nga nnḍa kana vhuḱarisani na sekithara dza phuraivethe kana zwiimiswa zwi sa shumeli



Minisiṭa wa Pfunzo ya Mutheo Vho Angie Motshekga.

Tsho iswa phanda kha siatari 4

PFUNZO

U shandukisa mbonalo ya zwickolo zwa Afrika Tshipembe



Muvhuso u khou fhaṭa zwickolo hune vhana vha nga kona u aluwa na vhadededzi vha ṭṭuwedzea u funza. Hezwi zwickolo zwi ḑo thusa u takula tshikalo na u fhaṭa vhumatshelo ha khwine.

Vho Amukelani Chauke

Minwaha miraru yo fhiraho muvhuso wo dzhia tshipikwa tsha vuhovheleli tsha uri u ḑo fhelisa zwickolo zwoṭhe zwo fhaṭwaho nga mavu na u khwinisa fhethu ha u gudela ha vhana vha Afurika Tshipembe.

Nga murahu ha minwaha isa swiki miraru, Muhasho wa Pfunzo ya Mutheo wo kona u vula zwickolo zwi fhiraho 100 u ya kha shango. Minisiṭa vha Pfunzo ya Mutheo Vho Angie Motshekga vho ṅetshedza tshikolo tsha

vhu 99 tsho tsho kwashiwa tsha dovha tsha fhaṭululwa u bva fhasi ngei Riverton, Kapa Vhukovhela zwenezwino.

Hu tshi ṅetshedziwa tshikolo tsha phuraimari tsha Valhalla, Minisiṭa vha tshi amba vho ri i tou vha tshiga fhedzi, fhedzi ndi tsha ndeme sa izwi tshi tshi ḑo ḑisa vhupo ha u gudela na u funzela ho teaho vhagudiswa na vhadededzi afha tshikoloni.

“Afha tshitshavhani tshi ḑo ḑisa themamveledziso ine ya vha tshomedzo ine ya nga shumiswa sa holo ya tshitshavha u itela uri hu vhe na vhusaka havhuḑi vhuḑi ha tshikolo na tshitshavha. Zwi amba uri ri khou dovha ra ḑisa ndaka tshitshavhani tshone tshine.

“Kha riṅe i tou vha ndaka ine ra khou ḑisela tshitshavha. I tou vha themamveledziso ya tshoṭhe ine ya ḑisa fhethu ho teaho ha u shumela na u gudela ha vhana vhashu hu re na tshomedzo dzoṭhe dzo teaho dzine dza ḑoḑea tshikoloni,” vho ralo.

U ṅetshedza ho vha tshipiḑa tsha R8.2 wa biḑioni ya zwa u Thomiwa ha Thandela ya Mveledziso ya Zwickolo zwi khou ṭavhanyiswaho (ASIDI).

ASIDI ndi mbekanyamushumo khulwane ya vhuḑarisani ha muvhuso na zwiimiswa zwa phuraivethe ine ya khou sedza kha u fhaṭulula zwickolo zwi swikaho 510 kha shango loṭhe. Ndi zwe zwa vha zwi songo fhaṭwa zwavhuḑi.

Tshikolo tsha Phuraimari tsha Valhalla tsho thomiwa nga 1980, tsho kwashiwa tsha thomiwa u bva fhasi he tsha ḑura R34 wa miḑioni.

Tshikolo tsho tsha vha tshi na vhana vha 600 fhedzi nga 2006, zwa zwino tshi na vhana vha 1 047 kha kilaṣirumu dza 32, hune zwa zwino ho no vha na laiburari na leborothari ya saints.

Mudavhi wa bola muswa u ḑo fhaṭiwa he ha vha hu na tshifhaṭo tsha kale.

Vho Andrew Lochner, ṭhoho ya tshikolo vho ri tshikolo tshiswa tshi ḑo takula tshikalo tsha u guda.

“Tsho ri fha fulufhelo la u fhaṭa vhumatshelo ha khwine na uri ndi nga amba uri riṅe ri wanala kha Mulambo wa Elsies a zwi ambi uri ri tea u sokou dzhia zwenezwo zwa fhasi.

“Ri tea u vhudza vhagudi na u vha

sumbedzisa uri ri tea u takula tshikalo ra fhaṭa vhumatshelo ha khwine,” vho ralo.

Vho ḑadzisa ngauri tshikolo ndi tshiala tsha tshitshavha, na uri vho takadziwa ngauri hetshi tshikolo tsho topoliwa sa tshipiḑa tsha mbekanyamushumo ya ASIDI.

“Ri ḑo funza vhagudiswa vhashu na uri ri fulufhela uri vha ḑo ḑanganedza hetshi tshifhaṭo, tsha dovha tsha vha takula sa vhaḑudiswa. Vha songo lindela uri zwiṅwe zwi thome zwi itee. Vha tea u swika hune vha ḑo tou ḑi vhudza uri “Nṅe ndi ḑo ita mukovhe wanga u itela uri zwithu zwi itee,” vho ralo Vho Lochner.

Nga Lambamai naṅwaha muhasho wo dovha wa ṅekedza tshinṅwe tshikolo tsha vhu 100 ngei Kroonstad Free State sa tshipiḑa tsha mbekanyamushumo ya ASIDI.

Tshikolo tsho irwa dzina la Vho Dorrington Matsepe, khotsi a musadzi wa vhane Minisiṭa wa Vhudavhidzani, Dr Ivy Matsepe-Casaburri.

Tsho thomiwa nga 1992 tshi na vhana vha 500 na vhagudisi vha 15 – ṅamusu tshi na vhana vha 1 100.

Vhunzhi ha vhana afho tshikoloni ndi tsiwana, naho hu na hedzi khaedu, tshikolo tshi khou shuma zwavhuḑi kha Ndingo dza Lushaka dza Nwaha (ANA). Nwaha wo fhiraho tsho wana buronzo kha mbalo (phenethe dza 60 – 69) na uri vho vha vhaṅwe vha zwickolo zwe zwa wela kha zwa 50 zwo konesaho kha vunḑu.

MBUNO DZO ANGARED-ZWAHO

Zwickolo zwa 106 zwo no fhela u swika zwino:

- 84 ngei Kapa Vhubvaḑuvha
- 11 ngei Kapa Vhukovhela
- Zwiṅa ngei Mpumalanga na Free State zwiḑhili ngei Limpopo Tshithihi ngei Kapa Devhula
- Maḑi: zwickolo zwa 318 zwo wana maḑi lwa u tou thoma.
- Tshampungane: zwickolo zwa 351 zwo wana tshampungane nahone tshi ṅeaho tshirunzi lwa u tou thoma.
- Muḑagasi: zwickolo zwa 279 zwo dzheniswa muḑagasi lwa u tou thoma.



Minisiṭa Vho Angie Motshekga na Mufarisa Minisiṭa Vho Enver Surty vho ṭandavhudza pulane dza muhasho u itela u khwinisa pfunzo shangoni ḑashu nga tshifhinga tsha musi hu tshi khou ḑiwa Vhuragane ha The New Age.

Tsho bva kha siṭari 1

malamba (dziNGO).

“Hezwi zwi ḑisa vhunzhi ha dziNGO zwickoloni, fhedzi kushumele ku songo davhidzaniwa. Kanzhi, vha topola zwickolo hu si na u ḑidzhenisa kana ṅḑivho yo fhelelaho ya muhasho, na u amba thwii nga ha u vhuedza ṭhoho dza zwickolo,” vho ralo Minisiṭa Vho Motshekga.

“Ndi ngazwo Khantsele ya Pfunzo ya Dziminiṭa yo tou laela nga ṭhangule 2014, u itela vhudavhidzani ha vhuḑarisani ha khwine uri hu ḑo swikelwa zwa ṅṅhesa. Tshimiswa tsha Lushaka tsha Pfunzo ya ṭhanganelano (NECT) tshi ḑo vha yone tshi khou shumaho kha vhudavhidzani ha hovhu vhuḑarisani,” vho ralo.

Zwiimiswa zwi no nga TeachSA na zwone

zwi ḑo vha na mushumo muhulwane wa u bveledzisa pulane u itela ṅḑisedzo, u shumisa na mveledziso ya vhadededzi, ho sedzwa kha u khwaṭhisa mvelelo, u shela mulenzhe na kushumele kwa ṅwana kha MST.

Muṭangano wa ṭafulani wa MST u dovha wa sedza kha u ṅetshedza luvhande lwa u kovhelana mafhungo na khwaṭhisedzo ya vhusumisani na vhuḑarisani na dziNGO.

Muṭangano wa ṭafulani wa vhuraru wa MST wo tshea uri:

- Kha hu khwaṭhisiwe Pulane ya Lushaka ya Siṭirathedzhi ya MST.
- Hu khwiniswe u shela mulenzhe na tshivhalo tsha kuphasele kha MST.
- Hu ṅetshedzwe mutheo wa vhuḑarisani ha muvhuso na zwiimiswa zwa phuraivethe u itela u livhisa tshomedzo zwickoloni hu tshi khou shumiswa na NECT.

- Hu ṅetshedzwe pulane yo fhelelaho ya ṅḑisedzo, u shumisa na mveledziso ya vhadededzi, kha mbekanyamushumo dza MST nga u farisana na TeachSA.
- Hu topolwe zwikhala zwo fhambanaho u shumisa thekhinoḑodzhi kha vhudavhidzani ha mafhungo (ICT) u itela u takula u shela mulenzhe na tshivhalo tsha kuphasele zwickoloni.

U SHUMISA ICT U VHUEDZA ZWIKOLO

Thekhinoḑodzhi kha vhudavhidzani ha mafhungo (ICT) ndi tshinṅwe tsha zwine muhasho wa khou sedzesa khazwo. Nga maanḑa zwickoloni zwa mahayani, zwine zwa ita 25% ya zwickolo zwoṭhe fhano shangoni ḑashu.

DBE i kati na u vala zwiṅwe zwa zwickolo zwiṭuku, zwickolo zwa mahayani zwi sa khou shumaho; hu tshi khou tikedzwa zwi khou shumaho na u ḑivhadza ICT kha izwo zwine vhana vha mirole yo fhambanaho vha funzelwa fhethu huthihi, zwine a zwi tinyei.

“Ndi tshifhiringani tsho fhiraho ngei Kapa Vhubvaḑuvha, zwickolo zwa phesenthe dza fhasi ha 18 zwo vha zwi na vhuṭumanyi ha ICT na uri zwo vha zwi sa koni u shumisa Sisiteme ya Vhulangi ha Zwickolo zwa Afurika Tshipembe.

“U swika zwino zwickolo zwi fhiraho 92% zwo no vha na vhuṭumanyi na uri datha i vho wanala zwo leluwa,” vho ralo Mufarisa Minisiṭa Vho Surty.

Tshivhalo tsha dziMEC dza Pfunzo na vhone vho vha vhe Muṭanganoni wa Vhoramabindu wa The New Age. MEC wa Pfunzo ngei Gauteng Vho Panyaza Lesufi vho kwengweledza vhabebi uri vha vhe “thikho dza zwickolo zwashu na uri vha shele mulenzhe kha khombusi dza zwickolo.”

“Vha tou nanga. Ndi mbidzo yavho. Kha vha ḑivhonadze,” vho ralo.

MEC wa Pfunzo vha Mpumalanga Vho Reginah Mhale vho amba nga ha uri vunḑu ḑi khou shuma hani na zwiḑiriki u itela u vha na vhuṭanzi ha uri ḑi na pfunzo ya ndeme.

“Ri khou vala zwickolo zwa mabulasini, hezwo ndi zwine a zwi khou kona u ḑiimela nahone vhana vha mirole yo fhambanaho vha funzwa vho ṭanganana. Fhedzi a si zwickolo zwoṭhe sa izwi ri tshi ḑo kona u ita hezwi kha minwaha i na tshivhalo. Ro fhaṭa zwickolo zwine hu dzuliwa henengei na zwiṭanu zwine zwiṅa zwazwo zwo no ḑi vula nahone ro no vala zwa 20 u swika zwino.”

Naho Minisiṭa Vho Motshekga na dziMEC dzavho vho ḑiimisela u khwinisa tshimo tsha pfunzo kha zwickolo zwa Afurika Tshipembe, vha khou tenda uri heḑi ndi fhungo la lushaka.

“U shela mulenzhe na vhuimo ha vhabebi kha u tikedza zwa u itela uri vhana vhoṭhe vha shango heḑi vha vhuvelwe, zwi nga si vhuve zwa imelwa nga tshinṅwe tshithu.

